

榮河縣志

光緒七年
修

卷之十二

藝文詩三

卷之十三

事紀掌故附

卷之十四

祥異

識餘

榮河縣志卷之十二

藝文詩三

漢武帝秋風辭

秋風起兮白雲飛草木黃落兮雁南歸蘭有秀兮菊有芳懷佳人兮不能忘泛樓船兮濟汾河橫中流兮揚素波簫鼓鳴兮發掉歌歡樂極兮哀情多少壯幾時兮奈老何

唐元宗祭汾陰樂章二十二章

順和

黃門侍郎韓思復作

大樂和暢殷荐神明一降感通八變必臻有求斯應無榮河縣志

卷之十二 藝文詩三

德不親降靈醉止休微一人

順和

中書侍郎盧從愿作

坤德載物陽樂發生播殖資始品彙咸亨列俎棊布方壇砥平神歆禋祀后德惟明

順和

司勳郎中劉冕作

大君出震有事郊禋齋戒既肅馨香畢陳樂和禮備候煖風春恭惟降福實賴明神

順和

禮部侍郎韓休作

於穆濬哲維清緝熙肅事昭配永言孝思滌濯靜嘉馨香在茲神之聽之用受福釐



大和 吏部尚書
王峻作

於穆聖皇六葉重光太原刻頌后土疏塲寶鼎呈符歆
雲孕祥禮樂備矣降福穰穰

肅和 刑部侍郎
崔元童作

聿修嚴配展事禋宗祥符寶鼎禮備黃琮祀詞以信明
德惟聰介茲景福永永無窮

雍和 徐州刺史
賈曾作

蠲我饒饒絜我膋蕯有豆孔碩爲羞既臧至誠無味精
意惟芳神其醉止欣欣樂康

壽和 禮部尚書
蘇頲作

榮河縣志 卷之十二 藝文詩三 二

禮物斯具樂章乃陳誰其作主皇考聖真對越在天聖
明佐神宵然汾上厚澤如春

舒和 太常少卿
何鸞作

樂奏云闕禮章載虔禋宗於地昭假於天惟馨荐矣既
醉歆焉神之降福永永萬年

凱安 主爵郎中
蔣挺作

維歲之吉維辰之良聖君紱冕肅事壇塲大禮已備

斯章神聽醉止降福無疆

順和 尚書右丞
源光裕作

方印既膳嘉饗載謚齋敬畢誠陶匏貴質秀簋簠程芳

祖盈實永福流其昇如日
良只令符水土
唐書樂志曰明皇開元十一年祭皇地祇于汾陰
迎神用順和入變皇帝行用太和登歌奠玉用肅
和迎俎用雍和酌獻飲福用壽和送文舞出迎武
舞入用舒和武舞用凱安送神用順和

唐李嶠汾陰行無百千煇
萬歲齊山
自發天子

君不見昔日西京全盛時
汾陰后土親祭祠齋宮宿寢
設齋供撞鐘鳴鼓樹羽旗
漢家四葉才且雄賓延萬靈
服九戎柏梁賦詩高宴罷
詔書法駕幸河東河東太守
親掃除奉迎至尊導鑾輿
五營將校列容衛三河縱觀

榮河縣志 卷之十二 藝文詩三 三

空里閭回旌駐蹕降靈場
焚香奠醑微百祥金鼎歆發
正焜煌靈祇焯燁攄景光
埋玉陳牲禮神畢舉麾上馬
乘輿出彼汾之曲嘉可遊
木蘭爲檝桂爲舟擢歌微吟
彩鷁浮簫鼓哀鳴白雲秋
歡娛宴洽賜君后家家復除
戶牛酒聲名動天樂無有千
秋萬歲齊山壽自從天子
向秦關玉輦金車不復還
珠簾玉蓋長寂寞鼎湖龍髯
安可扳千齡人事一朝空
四海爲家此處窮雄豪意氣
今何在壇場官苑盡蒿蓬
路逢古老長太息四環世事
不可測昔時青樓對歌舞
今日黃埃聚荆棘山川滿目
淚沾衣富貴榮華能幾時
不見只今汾水土惟有年年

秋鴈飛

唐岑參送薛播擢第歸河東

歸去新戰勝盛名人共聞鄉連渭川樹家近條山雲夫
子能好學聖朝全用文兄弟負世譽詞賦超人羣雨氣
醒別酒城陰低暮曛遙知出關後更有一終軍

唐李適后土祠

昔予讀舊史徧睹漢世君武皇實稽古建此百代勳號
令垂懋典舊經備闕文南巡歷九疑船艫被江濱勒兵
十八萬旌旗何紛紛竭來茂陵下英聲不復聞我行歲
方宴極目山河分神光終冥漠鼎氣獨氛氲攬涕步雕
梁河縣志

卷之十一

藝文詩三

四

上登高見彼汾雄圖今安在飛飛有白雲

唐楊巨源后土祠送田徹

清明十萬家處處是年華榆柳芳辰火梧桐今日花祭
祠結雲綺遊陌擁香車惆悵田郎去原頭煙樹斜

唐張良器河曲榮光

引派崑山峻朝宗海路長千齡逢聖主五色瑞榮光隱
映浮中國晶明助太陽坤維連浩漫天漢接微茫丹闕
清氛裏函關紫氣旁位尊常守伯道泰每呈祥習坎靈
逾入居卑德有常龍門如可涉忠信是舟梁

宋眞宗汾陰禮成

雲岱遵先志汾陰徇衆情爲民祈稔歲揆日奉嘉牲述
職諸侯至丁辰茂典成靈祇頒福祉信史着聲名夙夜
精心達夷華慶賜行非因承景貺豈獲薦豐盛昭感慚
馨德來同荷上清倍思增惕厲勤政泰羣生

宋張之才辭湯王廟

一官來此四經春不負蒼天不負民神道有靈應信我
去時猶似到時貧

據此詩則張乃宦于榮者也而通志府志及舊縣
志職官皆遺其名何歎

一曲段成已汾水秋風

榮河縣志

卷之十二 藝文詩三

五

一曲劉郎發掉歌歡情未已奈悲何只今回首空陳迹
依舊秋風捲素波

元王暉汾雁懷古

武皇誇大喜雄奇鼎出汾陰恐事爲更着壽王相娥媚
守經深見漢儒卑

神倪三面削蒼崖中擁汾陰寶氣開夾道老槐君莫訝
虬枝曾拂漢旌來

畢祀汾陰事已亡尙留奎翰繪春光年年依舊秋風起
滿徑黃花空自香

元曹之謙題秋風亭故基

危亭冠雉雄飛構何崔嵬
一夕墮劫火變化成煙灰
頽基翳蓬蒿壞道封苔莓
蕭條古城上空有秋風來

明張昌岩岡隱讀歌

峩嶺之岡起河東
蜿蜒百里蟠蒼龍
雖無峭拔巒與峯
氣勢遙接諸山雄
嶺陽有人世隱釣
築室讀書樂其樂
平生不蹈紅塵衢
朝夕時與山樵俱
鄉人共比伊與葛
先生默然不語諾
惟將道義佩諸身
摠衣弟子稱先覺
行年七十明且聰
白髮似雪顏如童
有時胸中吐奇秀
天葩爛漫搖光風
吾亦老來歸素紛
旁求同志無如君
聞君高事真可尚
何時細與談天人

梁河縣志

卷之十二

藝文詩三

六

明薛瑄后土祠

一木爲橋渡斷溪
山風水冷淒淒千年古
廟藏崖下萬里黃河正在西

明王杏汾陰祠二首

孤祠深鎖白雲阿
鏡裏亭臺半倚河
沙脆瓊碑脫窟深
金鼎護鼉鼉漫疑黃帝生
曾到却有唐宗跡未磨
秉燭岑樓極搜覽
秋風梳洗竟如何

漢宋曾聞二帝過
龍旌鳳輦壯山河
清風滿閣秋空老

掃地一壇塵更多
土厚烟流能蕩漾
天空雲鳥自婆娑

茫茫至理誰窺測
錯把神祇作玉娥

明余光汾陰祠

漢王當日泛樓船白羽朱旗彩鷁聯倚馬祠前看流水
夕陽鷓鴣鳥下蒼烟

明蘇祐后土祠

春雨汾陰道秋風漢帝辭蛟螭上苔蘚龍隼失旌旗雲
薄虛沉水烟寒靜裊絲佳人今不見感慨亦當時

明蘇祐真宗行宮

宋帝行宮汾水邊翠華想像香風烟天書雲篆今何在
玉檢金泥竟不傳伐石自鐫西祀日渡河翻恨北征年
金人十二多零落雙立猶看輦道前

榮河縣志

卷之十二 藝文詩三

七

明張四維汾陰祠懷古

雕原廟宇枕汾涯想像前朝駐翠華不見龍旂屯檜柏
尙餘龜碣卧塵沙野人采藻祠春燕漁子鳴榔起暮鴉
今古山河千里目高樓吟望對明霞

明蕭啟秋風辭亭

漢家亭起向汾陰俯瞰中流百尺深昔日遺基微有迹
多年古柏自成林菊蘭芳歇秋容淡簫鼓聲殘日色沉
過客漫勞談往事斷碑無字草蟲吟

明王崇古謁汾陰祠

峻字歷汾湍軒轅掃地壇蛟龍蟠地脉岳瀆護岡岫漢

碣螭文古唐宮樹色殘懸知翠鸞駕應在紫雲端

明王崇古壬子臘月將赴河津追餞尙侍御夜宿

榮河旅舍

匹馬促征鞍雪霜逼歲殘荒城連夜度野寺對風餐豈
爲勞征役翻思行路難有懷鳴佩侶馳馬獨衝寒

明袁琳和蕭侍御秋風辭亭韻

離離草樹自成陰獨步河亭感慨深寶篆梟空籠淡日
錦帆隨水落疏林鬱金酌葦清香古鳳輦班師玉漏沉
御華文章云往事登臨空復動悲吟

明盧彬望湯陵

榮河縣志

卷之十二 藝文詩三

八

園陵水圯蕩然空昭代崇禋秩望同袞冕昔隨流水逝
精靈今與大河通八遷定國民歸極五反求賢事望風
解網施仁兼救旱巍巍德業並蒼穹

明祝顥祭湯陵

陵谷遷移歲月長漫從虛塚奠椒漿神遊自在洪波逝
祀享難令後世忘落日松楸青靄靄西風蘆葦白茫茫
千年祭器猶存宋因想三仁重慨傷

明祝顥登秋風亭

秋風亭上試登臨未聽歌聲思已深簫鼓依然祠后土
樓船無復祀汾陰百年世事關哀樂滿日山河自古今

少壯幾時成老大憂來端欲解塵襟

明侯祁汾陰懷古

睢岡突出俯洪流對峙秦關百二州
河氣鬱蔥還碧落金光繚繞護丹邱
山城落日湯王寢野樹秋風漢武樓
退暇幾回登眺處浮雲身世兩悠悠

明侯祁登秋風樓

漢武功高興亦過四山簫鼓振洪河
白雲樓閣虛晴日碧殿旌旗隱綠莎
夜月秋聲環佩冷石壇靈靄暮烟多
憑高欲賦秋風起東望其如瓠子歌

明侯祁軒轅掃地壇眺望

樂河縣志

卷之十二 藝文詩二

九

飛閣凌霄起河汾此會同山川真護國
題咏集觀風帝子靈何在秋風樓已空
我來獨覽眺民瘼動宸衷

明王進三月過后土廟有感

坤道承乾物類生洪纖高下盡陶成
暮春望後興嘉會黔首趨前賀太平
繚繞笙歌盈耳艷輝煌燈燭照人明
神靈昭著天心順廟貌常存萬古清

金明蜀南墩過汾陰祠

后土祠前猿鶴哀武皇遺跡擁高臺
千官護輦旌旗映幾度清霜草木推
古柏參差凌碧漢殘碑橫地長莓苔
到今惟有秋風曲萬古雄聲羨帝才

明張學顏汾陰祠次舊韻

蘭菊芳殘萬壑哀白雲千古護空臺秋風瑟瑟人何在
汾水潺湲岸已摧后土有靈扃夜月茂陵無主點蒼苔
條山不刻南薰石何用悲歌漢武才

明楊錦汾陰祠次舊韻

潺湲汾水尚餘哀千載秋風漢武臺金勒虛無楓樹老
御爐寂寞柏花摧殘碑照月橫蒼蘚古殿深雲護紫苔
桂史登臨多逸興河東一賦子雲才

明張佳允汾陰祠次舊韻

亭上秋風萬壑哀武皇天翰有遺臺泰圻神鼎黃雲蓋
樂河縣志 卷之十二 藝文詩三 十
輦道游龍碧殿摧松檜古壇虛歲月漢唐殘碣護莓苔
祠官回首方傾日搖落河東獻賦才

明劉應熊過汾陰祠

峻嶒祠閣傍汾河古木蒼虬臬薛蘿闕殿香寒秋寂寞
行宮雲散月婆娑笙竽遙憶西京盛環佩虛憐東帝過
千載明禋猶野祀

明周斯盛讀秋風辭

漢帝勤躬禱洪流抱闕宮霓旌千騎入翰藻一時雄禮
遣登封肅威行沙漠空殘碑不可讀蕭颯起秋風

明湯登瀛夜過滎河后土祠傍

日暮乘驄尙晚征一彎斜月落山城層層祠閣千年勝
滾滾黃流萬古聲驛舍村醪渾野興馬前稚子問民情
匆匆露冕慚無補敢道河山畫裏行

明夏尙金謁汾陰祠

汾水秋風起夕陽樓船此日思傍徨白雲渺渺原無定
鴻鴈翩翩若欲翔擊筑共期成壯志懷人無奈發清狂
菊芳蘭秀今存否瞻謁猶疑彩鷁傍

明周有光咏邑中八景

古廟崔嵬鎮水濱層樓碧殿入青雲蒼蒼老樹風烟色
歷歷殘碑唐宋文怒浪千年摧舊岸歸鴻幾點下斜曛
榮河縣志 卷之十二 藝文詩二 十一

祠官謾詆當時事光集靈壇自昔聞 汾隄古祠

中流一賦擅雄才石刻高甍寶護來鼎氣當年凌碧漢
奎章今日上莓苔時隆緬想明禋盛風起猶疑歌韻哀
歲久不堪成往迹夕陽樓下幾徘徊 漢武秋風

湯陵萬古倚荒城原廟淒涼草樹平螭首穹碑當晚照
雁行銅秋泣秋晴汾流西下鴻波繞嶺東來地脈橫
昭代于今隆祀典永爲霖雨庇蒼生 湯陵夕照

雞聲喚起老農眠力上高原看遠天春雨一犁翻夾隴
晴雲數片覆桑田荷鋤帶月歸家晚驅犢迎風弄笛便
漫道五時民事苦烹鷓鴣醞秫賀豐年 嶺首耕雲

一夕山泉合并流，渾疑峪口徙龍湫。絕經注雨轟雷落，
俄看洪濤大地浮。雪浪有聲迷野岸，金堤無術作防謀。
萬川都入崑崙水，因欲乘槎到十洲。峪口洪波

巖坡起伏地靈長，月色遙連曙色光。不盡金波迷遠岫，
漸看銀漢隱高岡。峯巔野寺晨鐘發，澗底寒花曉萼香。
爲念此時名利客，輪蹄日日破嚴霜。峩巖曉月

長菽蘆花夾岸開，中流一葉自天來。鴈橫遠浦雲容淡，
火暗平蕪月色皚。過渡遊人驅蹇去，收綸漁父刺船回。
環城祠廟千秋勝，古岸臨河浪莫摧。野渡歸帆

東風一夜柳條青，汀渚無邊春色冥。隔岸含烟凝翠黛，
滎河縣志

卷之十二 藝文詩三 七

沿流帶雨騁娉婷，近滎鯨浪桃花水。遠映龍門錦繡屏，
最好清陰繫漁舸。不堪扳折動離情。河濱柳色

明李嵩汾陰祠二首

汾上樓高四望開，晴雲野渚共徘徊。孤撐天削芙蓉壘，
長唳風清鶴雀臺。翠柏千尋凌日迥，黃河一道自天來。
相逢爲問乘槎客，武帝樓船泛幾迴。

幽壇真與浪花平，浪打壇墟歲幾經。殘碣有人磨字畫，
野棠無主任飄零。莫教日月催朝代，長使河山奠岳靈。
漢跡唐踪空輦路，滄桑何處問東溟。

明李參登秋風樓見菊有感

樓高秋色望中賒
獨慕東籬處
土家黃菊依然芳
未歇
橫汾樂事渺年華

國朝陳觀聖后土廟自康熙元年河決被衝修志
有感

無端河患頻年肆
雕土荒祠亦齧侵
欲束狂瀾迴底柱
且收巨浪護汾陰
昔栽蘭菊今何在
古刻秋風幸未沉
哀集舊聞吾所願
首祈河伯勿侵淫

國朝陳觀聖題汾陰古碑

古碑無一字雙峙
在河墩祀典崇唐漢
汾陰控地坤水
驕摧廟貌土蝕遍
苔痕每到秋風起
遊人愛手捫

榮河縣志

卷之十二 藝文詩三

七

國朝李長庚古風一首 有序

余奉

命宰榮至任未久
巡視河灘里民控告
誰因誰極不
覺中心之憫惻也
乃見乎辭

黃河一曲一千里
濁浪排空拍岸起
鑄犀沉壁想遺踪
不獨宣房并瓠子
龍騰禾黍秀油油
鋤雨犁雲祿禎愁
滿車滿篝農家祝
十禩能獲幾回收
河勢從來多莽鹵
馮夷激怒天吳舞
洎叟衝決入長波
魚驚與民爭此土
菜色鵠形寔可憐
嗷嗷待哺望蒼天
牧民有責予兢業
邑有流亡愧俸錢
我來與民相休息
催科撫字兩無益

河神信我非謫張鱷魚且避不終逆雖然

君門難籲呼鄭俠當年曾繪圖顧視直比如秦越乎生
所讀是何書不願中牟稱三異不願河陽花滿治但令
鼓腹樂堯天飲水烹蔬爲長吏

國朝李長庚后土祠登眺

峻嶒祠宇小山巔衮玉端巖后土傳到岸連村猶晉地
隔河繞樹是秦烟鐵銷鼎識前朝篆碑滅庭遺近日鐫
漢帝秋風歌去後至今人說泛樓船

國朝李棟宋太和宮蕭牆四下金人

祥符四年字摩挲半尙存似由清輦路還擬待金門頂
榮河縣志

卷之十二 藝文詩三 古

沐千秋雨苔留百代痕翠華何處是夾道草紛繁

國朝高引謁汾陰祠

得鼎埋琮蹟已微空餘郅寄神依樓驚鳥革三千尺
柏偃虬鱗四十圍掃地壇崩愁夜月秋風碑蝕黯朝暉
河衝高岸將爲谷小劫滄桑理莫違

國朝劉允升后土祠

漢宮唐殿宋碑銘雕上靈光接上清高阜長騰金寶氣
繡旛時雜佩環聲苔痕剝落秋風冷棟粉零星夜月明
獨有多情汾水濶白雲黃葉雁行橫

國朝喬光烈汾陰懷古

雕上精靈在猶傳漢武雄樓船秋色外簫鼓夕陽中汾
水今亦徒祠宮久已空徒然歌寶鼎歲歲自西風

國朝楊瑾登西城樓遠眺

循行榮邑覽河壩樓上秋風接晚烟寶鼎光沈時射斗
龍門水落欲掀天更無簫鼓寒流外疑有碑壇夕照邊
神道不如下人道邇勞心撫字景前賢

國朝孫諤已卯春同趙鶴亭明府登樓眺望

攜手同登百尺臺憑欄曉望曙烟開千尋巒嶺橫天亘
一曲黃河捲地來祠廟久驚沉陸海魚龍猶訝護風雷
白雲秋菊終難盡萬古常推漢武才

榮河縣志

卷之十二 藝文詩三

五

國朝孫諤癸未中元重登此樓復占二律

閣迥凌霄漢層樓聳百尋幾年曾眺望今日復登臨地
澗河聲遠天高鴈影沉依欄閒指點懷古一長吟
書閣何軒敞重登望遠空汾睢仍髣髴寶鼎幾銷沉樹
色浮秦晉河聲盪古今秋風吹墅草依舊滿城陰

國朝楊令琢榮河感懷

孤城西面鬻黃河頭白來爲令尹過無復炎精傳寶鼎
空畱殘石刻悲歌俗仍唐魏還勤儉山對王官愧薜蘿
二月春風寒特甚故園花柳近如何

國朝楊令琢聽訟

榮河稱健訟終日坐公堂令自慙風教民何怪薄涼誠
心與譬說亦竟動天良努力希前哲甘棠分外香

國朝楊令琢早行巖嶺

眞自披星出夢殘馬上醒黃河交霧白紅日蔽天青柳
下驅耕犢村邊問淥醺吾生行太息海上一浮萍

國朝楊令琢脍上

漢唐天子起祠官萬乘千騎脍上看簫鼓中流橫汾曲
榮光四塞繞靈壇豈眞后土勞牲奠枉說三農得穀餐
明聖如今弛此祀依然磐石九州安

國朝楊令琢喜雨

榮河縣志 卷之十二 藝文詩三 共
兩雨風風歲事修小窻沾濕更清幽遙思麥壠桑田好
忘爲嬌花嫩蕊愁此日訟庭剛得暇昔時筆札一重收
啣杯獨酌陶然醉但有豐年任白頭

國朝楊令琢汾陰懷古

汾陰想見翠華來武帝元宗異代才殊死金鷄宣德澤
大書御墨寶瓊瑰茂陵秋草淒迷遍蜀道青驃寂莫回
西望長安雲際隱寒原空傍大河隈

國朝楊令琢三月

三月榮河縣重裘獨客衫爲問黃河水幾曲到江南
國朝楊令琢自榮河之永濟道上

西循黃河行危崖灣復環上崖困健馬况乃爲羸辱兩
溝深萬仞壁立絕躋攀崖脊時斷續跬步容孤轅聞有
九折坂想此比險艱而我愧王陽不能叱馭還凜慄達
平原忽見中條山中條王官谷飛瀑長潺湲昔日司空
圖清風激懦頑彼未遭聖世得以寄高閑蒲坂爲舜都
明良千古扳當今貴賢俊令微如抱關有道貧且賤能
無愧爾顏

國朝楊令琢署西亭成

結個小亭萬綠中絲絲楊柳漾春風科頭箕踞倚琴坐
抱膝閑吟看遠鴻

榮河縣志

卷之十二 藝文詩三

七

國朝楊令琢送春

人言送春悲春去夏自好深綠暗園林風香吹早稻靜
觀造化源四時皆可寶胡爲惜殘紅因之傷懷抱

國朝楊令琢亭上

城市得山林孤亭綠樹陰此間容嘯咏何處計升沉種
藥春苗小彈琴夜月深昨宵時雨過應慰老農心

國朝楊令琢春興

一雨訟庭空荒衙村落同貧來虧夏俸老至畏春風多
病閑中趣小詩分外工驚看奇絕處天半巨長虹

國朝劉允升汾陰懷古

頽波蕩蕩草芊芊
巡幸曾聞元鼎年
哀樂情多非少壯
帝王願極又神仙
中流簫鼓樓舡震
夾岸旌旗日月懸
留得秋風辭一首
斷碑苔蝕卧蒼煙

國朝鄭賜圖汾陰寶鼎

漢唐天子起祠官
寶氣靈光睚上蟠
掘地忽得鼎如盤
千乘萬騎汾陰看
汾陰從此立祇壇
衮玉莊嚴后土冠
埋幣陳牲祀事殫
且爲三農祈穀餐
頻年河決漲狂瀾
睚土樓臺沒急湍
魚龍起舞護飛鸞
鳥革從新駕雲轡
追尋故址昔來難
空遺斷碣近時鑽
我來登臨發三歎

榮河縣志

卷之十二 藝文詩續

六

寶鼎光沈星斗寒
不聞簫鼓鳴河干
更無蘭菊露華溥
秋風吹袂獨倚欄
思古徘徊興亦闌
奚奴復勸且遊觀
別有禪樓大鼎安
且行且喜步蹒跚
果見斑斕古色攢
歷歷點數手自彈
篆識前朝字未瘢
考以九鼎缺不完
一鼎無踪索渺漫
遙憐荒草苦摧殘
扛致玉墀眼界寬
非若澡德湯之盤
亦非象物鑄神奸
漢蹟唐蹤杳翠巒
聊存古物紀其端
寶鼎之名永不刊
嗚呼寶鼎之名永不刊

國朝鄭賜圖重修汾陰書院並置膏火詩

遙憐多士講堂虛
三十年前舊結廬
地脉東紆迎紫氣

河津西沂起神魚竹間牆短花能護山裏梁空燕獨居
何事紛紛尋別墅幾番商確在公餘

當年建始費經營手闢東山十畝平自古文章傳勝地
於今際會屬儒生但商舊業從新舉便覺前徽遜後程
誓約同心明所願齊欣盛事解囊傾

此番心跡未曾孤難得斯民共樂輸四野絃歌供嘯咏
一窻燈火是膏腴幾分問字侯芭席更拓攤書任昉廚
百畝田田須早立却驚依樣畫葫蘆

昔時堂宇自今開樂育羣英接軫來古井可尋修綆汲
新花有樣稱心栽龍門雪積人同立鹿洞風微夢幾回

榮河縣志

卷之十二

藝文詩續

七

寄語雲程當奮步

聖朝掄擢盡良材

國朝武開吉和鄭明府原韻

冀北廉名信不虛忻緣借寇惠窮廬步從百峪迎甘雨
豐稔三年兆夢魚谷口栖霞留舊址司農講學覓新居
勞心幾載培文教力葺宮牆茂草餘

鹿洞曾經召伯營青衿悵與暮烟平蘇湖可是延安定
鄒魯誰來問伏生門列角弓誇射藝堂分家學校書程
我公修舉心良苦囊橐齊由萬姓傾

追維往事已成孤半向前人兩袖輸籌買良田裕膏火

永教多士飫經腴汾陰文藻鳴三鳳臚上祥雲起八塵
河陽處處花栽遍潘令新詩壓駱廬

青郊桃李一朝開觸我雩婁入夢來淮右陳編流水杳
河東新政好風裁翹瞻福曜庭伊邇朗誦陽春味在回
寄語他年司牧者永遵良法育羣材

國朝路宜中題秋風辭後并序

予讀漢武秋風詞至懷佳人句慨然悟帝歌也
有思深情若揭及考班掾書載是辭於李夫人
歌落葉哀蟬曲之前愈信是辭者乃悼亡之作
也爰作短歌以跋其尾

樂河縣志

卷之十二

藝文詩續

三

大風起雲飛揚思猛士守四方秋風起木落黃懷佳人
不能忘漢高漢武同歌風祖考直箇能續戎所歌雖同
志則異武帝殊少英雄氣英雄氣少兒女情多美人永
逝傷如之何阿嬌陳后豈不佳底事恩情中道乖貯金
屋忽反目昔同牢今脫輻覆雨翻雲迴黃轉綠於彼寡
情此多慾長門縱買相如賦不及帳中珊珊步安得佳
人一再顧嗚呼安得傾國傾城一再顧

前題 五古

漢武歌秋風百感雄心攬草木幾時榮轉眼成枯槁意
彼蘭菊姿增予佳人悼倘得長生方青春永難老倘獲

不死藥紅顏可長保何處有神仙方士徒顛倒舜澤即
瀛洲堯階乃蓬島西禪與東封國帑幾乎了北伐與南
征民命不堪擾生平好大心至今一筆掃千里輪臺屯
悔詔苦不早何如守成規恭儉以爲寶

前題 長調金縷曲

容易秋風起想當年草黃雲白雁橫汾水澤有香蘭籬
有菊采采蒹葭漫比對名花悵懷彼美羅袂無聲曾奏
曲來珊珊遙望燈帷裏方士輩欺人耳 始悟神仙那
有此算古來畢竟誰真萬年天子承露金華霄漢上豈
乏瓊漿玉髓何雄心頓覺衰矣堯母門名鈞弋殺笑劉
榮河縣志

卷之十二 藝文詩續

三

郎割愛殊無理懷人者顧如是

國朝周桂林擬白樂天新樂府四章

榮光寶氣 紀祥瑞也

瑞事多瑞事多祥瑞之事果若何伏羲圖負馬唐堯光
幕河寶鼎出雕壤漢水接洪波天祚有德多感召此邑
多不多

唐虞聖治 頌帝德也

唐虞世唐虞世唐虞遺風尚未替欽若敬授時總爲民
生計不剪且不斫誰復崇華麗耕稼更陶漁勤勞常自
勵飯糗遺茹草儉約甘粗糲唐虞盛世真難繼欣逢帝

禪帝

唐魏遺風 美勤儉也

唐之風魏之風熏陶雅化漸成風歸真兮噩噩作苦兮
匆匆宴樂非所尚古道力爲崇吟蟋蟀兮圖檣稼感葛
屨兮勤女紅君子深思而遠慮編氓安朴以愚蒙托庇
堯天與舜日白爾風成風

儉嗇褊急 刺鄙俗也

人亦俗物亦俗古風習染頗近俗家不分貧富地不辨
饒沃豐猶雜穀皮荒誰肯盡粟風流儒雅客欲然如不
足儉嗇褊急能若有所促束損過就中參移易奚至俗

榮河縣志

卷之十二 藝文詩續

三五

常俗

國朝周桂林題鐵人像讚

邑濱大河頻遭昏墊禾黍淹沒邱崖崩陷惟彼鐵人克
除水患官民共商遷移河畔鑄影鑄形精靈活現鐵心
鐵腸永不改變沐雨櫛風力若愈健日照月臨光若愈
見汾旌寶鼎堪爲汝羨蒲坂鐵牛堪爲汝伴威鎮西河
惟汝是勸壽比南山惟汝是獻我輩擬祝心香一瓣摹
汝之真爰題厥讚

國朝樊彬謝尋管香給諫惠貽仲姜鐫拓本並周

鐸



汾陰野岸光燭虹農人鬪土得古鐘停未聚觀詫希有
 歸誇父老爭村童尋侯偶分自田舍製多編特兼刻鏤
 就中巨者銘繕富郁郁文治思姬宗作仲姜鏄斬壽老
 永保用享詞何工肅肅義征語旁證款識遠稽薛尚功
 車牽駝載至京國問奇人士紛追從早聞大力負而走
 幸教墨拓存遺蹤別貽小鐸倍精妙苔花土鏽鋪青紅
 雖無文字留螭扁雷回紋細蟠螭龍遁人徇路有舊制
 孟春警眾頒岐豐陵谷變遷幾千載六丁呵護傳無窮
 賤子畿南昔司鐸愧難振響開愚蒙老來徒抱金石癖
 人嗤小技耽雕蟲禹鼎湯盤不可見雞彝鳳爵將毋同

榮河縣志

卷之十二 藝文詩續

三

君家世推大手筆文章臺閣壓羣公后土祠基爨器出
 宜陳雅頌宣

皇風平生眼福快先覩如觀石鼓讀車攻錯刀難忘美
 人贈報之自愧瓊瑤空詩成瓦缶誌嘉貺鴻篇更願聞

黃鍾

國朝董文燦題齊子中姜鏄拓本二十二韻

尋侯得鐘不自有化身千億精光在洛陽紙貴競問奇
 墨采漏爛輝瓊玖汾陰野岸后土祠齊鏄繼出漢鼎後
 車馱牽挽至京國一翰濯磨離塵垢潘岳嗜奇輕囊金
 欲得未能心悵怩生似緣與有勞物各有主事非偶

榮河縣志卷之十三

事紀

巡幸

漢武帝元鼎四年冬十月行幸雍時行自夏陽東幸汾陰

元封四年冬十月行幸雍時通回中道北出蕭關慙獨

鹿鳴澤自代而還行幸河東春三月祠后土赦汾陰

夏陽中都死罪以下賜三縣及楊氏皆無出今年租

賦

元封六年冬行幸回中春三月幸河東祠后土赦汾陰

榮河縣志

卷之十三 事紀

一

殊死以下賜天下貧民人布帛一匹

太初二年春三月行幸河東祠后土令天下大酺五日

腹五日夏四月具赦汾陰安邑殊死以下

天漢元年三月行幸河東祠后土

漢宣帝神雀元年春正月行幸甘泉郊泰畤三月行幸

河東祠后土

五鳳三年春三月行幸河東祠后土

漢元帝初元四年春三月行幸河東祠后土赦汾陰徒

賜民爵一級女子百戶牛酒繹寡高年帛所過無出

租賦

永光五年三月上幸河東祠后土

建昭二年春三月行幸河東祠后土益三河太守秩百
十二萬爲大郡

漢成帝永始四年春正月行幸甘泉郊泰畤賜雲陽吏
民爵女子百戶牛酒鰥寡高年帛三月幸河東祠后
土賜吏民如雲陽行所過無出今年租

綏和二年三月幸河東祠后土

後漢光武建武十八年三月壬午祠高廟遂有事十一
陵歷馮翊界進幸蒲坂祠后土

唐明皇開元十一年二月壬子幸汾陰祠后土賜文武

滎河縣志

卷之十三 事紀

二

官階勳爵帛三月辛未至自汾陰免所過今歲租二
十年十一月復如汾陰

宋眞宗大中祥符四年正月幸汾陰二月癸丑次河中
府丁巳次寶鼎縣辛酉祀后土大宴羣臣于穆清殿

國朝康熙四十二年

仁皇帝大駕西巡過蒲州告祭湯王陵

典禮

漢武帝元封二年天子郊雍曰今上帝親郊而后土無
祀則禮不答也有司與太史公談祠官寬舒議天地
牲角繭栗今陛下親祠后土宜于澤中圜丘爲五壇

壇一黃犢牢具已祠盡瘞祠衣上黃于是天子東幸汾陰汾陰男子公孫滂洋等見汾旁有光如絳上遂立后土祠于汾陰脍上如寬舒等議上親望拜如上帝禮

漢舊儀祭地河東汾陰后土官宮曲入河古之祭地澤中方邱也禮儀如祭天名泰一巨邱

隋製使祀先代帝王祠成湯于汾陰以伊尹配

唐明皇開元十一年將幸并州兵部尚書張說言于上曰陛下今因行幸路由河東有漢武后土之祠此禮

久闕歷代莫能行之願隆斯盛典以爲三農祈穀此

河縣志

卷之十三 事紀

三

萬姓之福于是十二年二月祠后土于汾陰脍上太史奏榮光出河休氣四塞祥風繞壇日揚其光初有司奏修祠掘地得古銅鼎二大者容四升小者容一升皆青色獲古磚十長九寸有篆書千秋萬歲字又于古壇側舊祠堂內得石人如從官像詔以鼎供廟移像就祠中配焉

開元二十一年上欲幸太原中書令蕭嵩言于上曰十一年親祠后土神明昭佑累年豐登有祈必報禮之大者從之以張說爲禮儀使將作少監張景爲壇塲使十一月二十日祠后土于脍上以睿宗皇帝配禮畢

上自爲文令有司刊石于祠所其文曰恭惟坤元道
昭品物廣大茂育暢于生成庶憑休和惠及黎獻博
厚之位粵在汾陰肅恭時巡用昭舊典敬以琮幣犧
牲粢盛庶品備茲瘞禮式展誠懇

開元二十一年置汾祠署令一人從七品丞一人從八
品府二人史四人廟幹二人唐置河瀆令一人正九
品祝史三人齋郎十二人掌其祠祀禮儀之事

宋眞宗景德四年以朝陵道工部尙書王化基詣汾陰
后土祠致祭用大祠禮

大中祥符三年河中府土吉進士薛南率父老千二百
榮河縣志

卷之十三 事紀

四

人列狀乞赴闕請祠后土詔不允已而又請河南尹
寧王元偓與羣臣亦上表請于是八月詔以來春有
事于汾陰以陳堯叟爲祀汾陰經度制置使王旦爲
大禮使王欽若爲禮儀使令羣臣詳定儀注四年正
月出京師二月丙辰至奉祇宮己未遣入內都知鄧
永遷詣祠上衣服供具庚申羣臣宿祠所辛酉具法
駕諸牲壇夾路設燎火其光如晝周列黃麾仗至壇
次服袞冕登壇祠后土地祇備三獻以太祖太宗配
如封禪之禮訖改服通天冠絳赭袍乘輦詣廟設登
歌奠獻封石匱玉冊其玉冊金匱先時度廟中擇地

爲埴中置石匱方五寸厚二寸中容玉匱刻金繩道
三澗一寸深五分纏金繩處深四寸方三寸五分容
天下同文寶侯祀畢太尉奉玉匱置石中將作監領
衆舉石覆之印寶悉如社首石礮之制皇帝省視訖
加蓋其上封固上爲小壇廣厚凡五尺其臚上壇築
如方邱之制廟北古雙柏旁有堆阜卽其地焉是日
詔改奉祇宮爲太寧宮壬戌御朝覲壇受朝賀肆赦
宴羣臣于穆清殿宴父老于宮詔大禮使等及從臣
並刻名于碑陰旣罷臨郊邱亭望河汾還行宮紫氣
四塞民有扶携老幼不遠千里而來觀者

榮河縣志

卷之十三 事紀

五

大中祥符四年上幸汾陰親謁奠河瀆廟

開寶四年詔給河中府汾陰成湯墓守陵五戶蠲其他
役長吏春秋奉祀

金世宗遣官至河中祠后土廟

元世祖遣官至河中祠后土廟

明制先代帝王陵寢逢皇帝正位遣官祭告有司歲春
秋二祭朝廷三年遣使壇祭一次湯陵在山西蒲州
榮河縣大事遣官告祭餘如制

洪武四年辛亥正月遣侍儀司通贊舍人王定致祭湯
陵其文云曩者有元失馭天下紛紛朕由此集衆平

亂統一天下今已四年矣稽諸古典自堯舜繼天立極列聖相傳爲烝民主者陵各有在雖去古千百餘載時君當修祀之朕典百神之祀故遣官齎牲醴奠祭修陵君靈不昧尚惟歆享

洪熙元年乙巳二月遣大理寺少卿施禮致祭湯陵其文云惟王合德天地治紹唐虞安民之功 萬世

予嗣位之始率循典章祇遣廷臣敬修陵寢尚賴神化翼予治平

宣德元年丙午二月遣翰林徧修陳詢致祭湯陵其文

云惟王丕崇王道寧濟生民偉烈鴻謨光昭萬世予

榮河縣志

卷之十三 事紀

六

嗣承大統之初謹用祭告惟神昭格佑我邦家

正統元年丙辰正月遣太常寺丞王一居致祭湯陵其文曰

惟王奠安海宇致治之功民用永賴予嗣承大統祗嚴祭告用祈佑我國家永底隆平

景泰元年庚午二月遣行人司司副李友聞致祭湯陵其文曰

景泰二年辛未山西大旱遣太常寺丞李希安禱雨湯陵未至而甘霖降祭文曰茲者山西民困極矣加以久旱穀用無成民生罔賴此誠予之不德所召惟神

至仁獨不動惻念乎況素以庇民得祠者尤當不可
緩也尙望廣布霖雨大作豐年非獨予免夙夜憂惶
神亦可始終惠譽特攄虔悃專俟感孚

天順元年丁丑三月遣通政司左叅議李素致祭湯陵
其文云

惟王天錫勇智表正萬邦拯民之功延于永世茲予
復正大位祗嚴祀事用祈佑我邦家永底康乂

成化元年乙酉三月遣安順伯薛瑤致祭湯陵其文云
惟王奉天明命除暴安民撫茲偉績光垂萬世茲予

祇承天序式修明祀用祈鑒佑永祚我邦家

榮河縣志

卷之十三 事紀

七

宏治元年戊申三月遣通政司右通政陳琬致祭湯陵
其文云

正德元年丙寅遣太常寺少卿喬宇致祭湯陵其文曰

惟王建中立極作則臣工盛德易暴撫綏萬邦予茲
承大統式嚴殷祭用祚我邦家永底康寧

嘉靖元年壬午三月遣東寧伯雋伯致祭湯陵其文云

大惟王天啓聖武征殘除暴奠安斯民海宇寧一予茲
纘承大位修明祀典唯神有鑒葆我邦家攸久無疆

嘉靖三十四年乙卯地大震次年丙辰三月遣戶部左

侍郎鄒守愚致祭湯陵其文云

惟神奉天撫世奠境保民聖德神功萬世攸賴茲者
因地震將蒲州等三州臨汾等十二縣河東運司城
垣陷下官民房舍倒塌壓死人口不計其數守臣具
實上聞朕不勝惶惻茲命大臣敬齋香帛往詣祭告
伏冀聖靈鑒佑默相化機轉災爲祥

隆慶元年丁卯九月遣給事中朱繪致祭湯陵其文云
惟王肅將天命秩序彙倫除暴安民建極垂統茲予
祇承天序明祀式修惟祈鑒歆永翼至治
萬歷元年癸酉六月遣錦衣衛指揮同知謝守朴致祭
湯陵文同上

榮河縣志

卷之十三 事紀

八

天啓元年辛酉七月遣錦衣衛都指揮使許濬祥致祭
湯陵其文云

惟王奉天明命除暴安民偉績無前光留萬世茲予
祇承天序式修明祀用祈鑒佑祚我邦家

國朝順治八年辛卯四月遣鸞儀衛協理衛事都督同
知喬可用致祭湯陵

諭祭文曰自古帝王受天明命繼道統而新治統聖賢
代起先後一揆功德載籍炳如日星朕誕膺天眷紹
續丕基景慕前徽圖追芳躅明禋大典亟宜肇隆敬
遣專官代將牲帛爰修殷薦之誠用展儀型之志伏

惟格歆尙其鑒享

順治十七年重修湯陵祠宇

康熙七年戊申四月遣兵部侍郎劉鴻儒致祭湯陵

諭祭文曰自古帝王繼天立極功德並隆治統道統昭
垂奕世朕受天眷命紹續丕基庶政方親前楹是景
明禋大典亟宜肇修敬遣專官代將牲帛爰昭殷薦
之忱聿脩欽崇之禮伏惟格歆尙其鑒享

康熙二十七年遣官致祭

諭祭文曰自古帝王受天明命御歷膺圖時代雖殊而

繼治同道先後一揆朕承眷佑臨制萬方稽古禮文

榮河縣志

一八卷之十三事紀

九

肅修祀事茲以

皇祖妣孝莊仁宣誠憲恭懿翊天啓聖文皇后神主升祔

太廟禮成特遣專官代將牲帛虔修禋祀之典用抒景行

之忱仰冀明靈鑒茲誠悃

康熙三十六年遣官致祭

諭祭文曰自古帝王受天景命制治綏猷必禁暴除殘

以乂安黎庶緬懷往烈道實同符朕欽承帝祉臨御

九區茲以狡寇跳梁親征漢北蕩滌邪氛廓清邊徼

永消兵革以與普天率土樂育太和敬遣專官代將

牲帛昭告在先哲后虔修禋祀式彰安攘之模用展

景行之志仰企明靈俯垂鑒饗

康熙四十二年遣官致祭

諭祭文曰自古帝王繼天立極出震承乾莫不道洽寰區仁周遐邇朕欽承丕緒撫馭兆民思致時雍常殷惕厲茲歷四十餘載今歲適屆五旬宵旰兢兢無敢暇逸漸致民生康阜世運昇平頃因淮黃告成親行巡歷再授方畧善後是期觀民志之歡欣滋朕心之軫恤遄回鑾馭大沛恩膏用遣專官敬修祀典伏冀默贊邗隆之治益宏仁壽之庥尙鑒精誠俯垂昭格

康熙五十二年遣官致祭

榮河縣志

卷之十三 事紀

十

諭祭文曰自古帝王繼天出治建極綏猷莫不澤被生民仁周寰宇朕躬膺寶歷仰紹前徽夙夜孜孜不遑暇逸自御極五十餘年適當六旬初屆所幸四方寧謐百姓乂和稼穡歲登風雨時若維庶徵之協應爰羣祀之虔修特遣專官式修舊典冀益贊雍熙之運尙永貽仁壽之庥俯鑒精誠用垂歆格

康熙五十八年遣官致祭

諭祭文曰自古帝王受天景命建極綏猷垂萬世之經常修一朝之典禮朕欽承

帝社臨御九圍夙夜惟寅敬將祀典茲以

皇 孝惠仁憲端懿純德順天翼聖章皇后神主升祔
太廟禮成特遣專官代將牲帛用展苾芬之敬聿昭禮祀
之虔仰冀明靈尙其歆享

雍正元年遣官致祭

諭祭文曰自古帝王繼天出治建極綏猷莫不澤被生

民仁周海宇維我

皇考峻德鴻勳媲美千古顯謨承烈垂後裕昆朕以渺躬

續膺大寶當茲嗣位之始宜修享祀之儀特遣專官

虔申昭告惟冀時和歲稔物阜民安清風徧洽乎寰

區厚德長敷於率土尙其歆格鑒此精誠

榮河縣志

卷之十三

事紀續

十一

雍正二年遣官致祭

諭祭文曰自古帝王體天立極表正萬邦愷惻遍乎寰

區仁風及於奕禩朕丕承大統遙契曩徽茲於雍正

元年十一月二十五日恭奉

聖祖合天宏運文武睿哲恭儉寬裕孝敬誠信功德大成

仁皇帝主配享

圜丘禮成特遣專官虔申昭告惟冀永贊修和之治益昭

安阜之庥鑒此精誠尙其歆格

乾隆元年三月二十六日

內閣抄出三月二十五日總理事務王大臣奉

上諭各省歷代帝王陵廟均宜嚴肅整齊以昭敬禮聞湖廣地方炎帝神農氏陵廟殿宇牆垣丹雘合度而帝舜有虞氏陵廟則規模狹窄丹青剝落不足以肅觀瞻着該督撫轉飭有司動用公費卽行修葺其他處陵廟若有類此者着該督撫委員查勘動用存公銀兩酌量修理務令完整再各陵向來未設陵戶無人看守者可酌設幾戶令其專司巡查洒掃永著爲例欽此到部相應行文山西巡撫查照辦理可也等因咨院行司由府轉飭到縣遵查榮河縣北商湯王陵寢西臨黃河限於基地殿宇門廊規模狹隘知縣

榮河縣志

卷之十三 事紀續

十一

李文榛詳請增修奏憲委臨晉縣知縣宋嵩巘會勘公議改建估計工料等項共銀一千二百一十兩三分詳覆咨部九動乾隆元年耗羨銀兩繳行領銀到縣購買物料燒造磚瓦於乾隆二年九月內擇吉興工改建寢殿五間大門五間東西廡各三間門樓一座牌房一座咸施丹青照壁一座碑亭一座燎爐一座石紅椿五根圍牆九十九步四尺五寸易磚砌墼於乾隆三年六月內告成添設陵戶二名歲給工食銀各六兩

乾隆二年遣官致祭

諭祭文曰自古帝王憲天出治建極綏猷德澤洽於萬方軌範昭於百世朕纘承鴻緒景仰前徽於乾隆二年四月十六日恭奉

世宗敬天昌運建中表正文武英明寬仁信教大孝至誠
憲皇帝主配饗

圓丘禮成特遣專官虔申昭告惟冀永佑雍熙之盛益昭
安阜之隆庶鑒精誠尙其歆格

乾隆十四年遣官致祭

諭祭文曰惟帝王繼天建極撫世綏猷教孝莫先於事
親治內必兼於安外典型在望緬懷至德要道之歸

榮河縣志

卷之十三 事紀續

三

景慕維殷心希武烈文謨之盛茲以邊徼救寧

中宮攝位

慈寧晉號慶洽神人敬遣專官用申殷薦仰維歆格用錫

鴻禱

乾隆十七年遣官致祭

諭祭文曰惟帝王憲天作極受錄承庥教孝莫先於事
親斂福用先乎繼治是爰是訓緬維至德要道之歸

壽國壽人九懷錫類推恩之盛茲以

慈寧萬壽懋舉鴻猷敬晉

徽稱神人慶洽爰申殷薦特遣專官冀鑒茲忱永綏多福

乾隆二十年遣官致祭

諭祭文曰朕惟帝王建極乘時綏猷馭世制臨無外德威之服遠者神教化有原孝道以尊親為大景典型於在昔實天經地義之丕昭宏佑啟於方來惟文德武功之交懍茲以平定準噶爾大功告誡加上

皇太后徽號神人洽慶中外蒙庥敬遣專官用申禋祀伏

惟鑒格

乾隆二十四年遣官致祭

諭祭文曰朕惟帝王建極綏猷經文緯武誕敷德教仁義備其漸摩克詰戎兵聲靈彰其赫濯惟恩威之兼

榮河縣志

卷之十三

事紀續

古

濟先後道本同符斯命討之昭垂今古功歸一致茲以西師克捷回部蕩平緬俊烈於前型敷奏其勇遠徂征於絕域適觀厥成中外騰歡神人協慶專官肅

祀

皇

昭鑒惟歆

乾隆三十七年遣官致祭

諭祭文曰惟帝王本仁祖義明物察倫立人紀以綏猷則天經而立極緬羹牆其可接先後攸同奉俎豆以常新楷模斯在茲以

茲闡萬壽懋舉鴻猷敬晉

徽稱神人治慶展尊親之義思克紹夫前型慶錫類之仁
期永綏夫後祿爰申告祀式薦馨香冀鑒悃忱俾膺
多福

乾隆三十七年遣官致祭

諭祭文曰惟帝王體元則天撫世誠民勳被寰區德昭
往古羹牆匪隔累朝之統緒相承俎豆惟新百代之
英靈如在茲以

慈闈萬壽懋舉鴻儀敬晉

徽稱神人治慶孝道以尊親爲大式仰前型

母儀之錫類者宏永綏厚祿奠章載舉祀典斯崇布盼嚮

榮河縣志

卷之十三 專紀續

七

以告虔庶靈明之來格

乾隆四十一年遣官致祭

諭祭文曰朕惟帝王德洽恩威義嚴彰輝鋤奸禁暴昭
命討之無私弭遠綏荒振聲靈之有赫茲以兩金川
大功全蕲逆謀咸俘殄遺孽於番陬戢武協求甯之
志緬豐功於前代 覘者定之庥特遣專官肅將

禮祀惟冀鑒歆

乾隆四十五年遣官致祭

諭祭文曰惟王體元贊化建極綏猷澤被當時功垂奕
世簡編明備累朝之治法相傳弓劍留藏千載之英

靈如在茲以朕七旬展慶九有臚歡懋舉崇儀特申
昭告緬當日之膺圖受籙每深景仰之忱撫此時之
集嘏凝禧彌切祇寅之念冀佐邳隆之運永昭仁壽
之庥式薦精禋惟祈鑒格

乾隆五十年遣官致祭

諭祭文曰惟王體元贊化建極綏猷澤被生民勳垂奕
世簡編明脩累朝之治法相傳弓劍留藏千載之英
靈如在茲當鴻圖錫羨鳳紀增綿懋舉崇儀特申昭
告緬當日之膺圖受籙每深景仰之忱撫此時之集
嘏凝禧彌切祇寅之念冀佑邳隆之運永昭仁壽之
庥式薦精禋惟祈鑒格

樂河縣志

卷之十三 事紀續

去

庥式薦精禋惟祈鑒格

乾隆五十五年遣官致祭

諭祭文曰惟王膺圖撫運建極宜民澤洽當時聲教動
寰瀛之慕勳垂奕世典章昭方冊之貽思英爽以長
存秩春秋而匪懈茲以朕八旬展慶萬國臚歡懋舉
崇儀特申昭告荷蕃釐於昊綽益緬皇春帝夏之隆
仰景行於前朝倍殷夕惕朝乾之志尚祈來格

嘉慶元年遣官致祭

諭祭文曰惟帝王體元贊化建極綏猷澤被生民勳垂
奕世簡編明脩累朝之治法相傳弓劍留藏千載之

英靈如在茲以乾隆週甲嘉慶紀元懋舉崇儀特申
昭告緬當日之膺圖受籙每深景仰之忱撫此時之
集蝦凝禱彌切祇寅之念冀佑邇隆之運長貽仁壽
之麻式薦精禋惟祈鑒格

嘉慶十四年遣官致祭

諭祭文曰握符御宇徵一心一德之傳建極宜民差百
世百王之等惟帝王肇開鼎祚遞席蘿圖統元會以
循環書典謨而合揆溯

高廟寅承

祖志睿吟窺升降之原撫朕躬式纘丕基治法契登咸之

樂河縣志

卷之十三 事紀續

十七

蘊茲以陳疇錫慶合寓臚歡溯重熙累洽之朝太行
之數五十緬駿德豐功之辟古史之紀廿三昔年像
展勳聞見本通乎禮樂此日心齋左个馨香伫洽

乎天人用薦景蕃特申昭告山陵不遠薄俎宜歆

嘉慶二十四年遣官致祭

諭祭文曰惟王肇握乾符遞承泰筴制禮作樂垂明備
於簡編騰茂蜚英留聲靈於弓劍茲以朕慶逢六袞
歡洽萬方周甲籙以提釐萃壬林而錫福知其政知
其德迄今欽治統之隆作之君作之師稽古荷心傳
之賜憶五旬之介祉曾薦惟馨闕十載以升香用昭

有恪伏祈散格虔奉精神

嘉慶二十五年遣官致祭

諭祭文曰功存宇宙留百世之松楸德在山河有兩楹之俎豆興懷往烈肅奉精神朕以藐躬初承大統自今宵衣旰食兢業方殷念古帝緒王猷典型不遠既切景行之慕宜修秩祀之文敬遣祠官虔申禮奠瞻藏弓之有地邈矣風徽問宰木以何年佳哉蔥鬱神其佑享福我寰區

道光元年遣官致祭

諭祭文曰心源遞衍球圖燦御世之模祀典常昭俎豆榮河縣志

卷之十三事紀續

六

肅侑神之禮惟致治莫先稽古斯率初宜重升香朕續紹丕基尊崇

先烈廿五載神功聖德聿符峻極於瑤壇四十年帝緒王猷遙企遺徽於玉檢茲以道光元年四月初六日恭逢

仁宗受天興運敷化綏猷崇文經武孝恭勤儉端敏英哲

睿皇主配享

園丘禮成特遣專官敬申昭告累葉睇松楸之蔭往蹟殷懷兩楹薦黍稷之馨懋儀載舉式攄誠悃庶格精禋道光九年遣官致祭

諭祭文曰惟帝王德奉三無功彰九伐詰戎兵而肆武
駿烈綬戡揚弧矢以宣威鴻猷震疊茲以鴻首翦滅
疆土孟安昭耆定於極邊共覩一道同風之盛緬聲
靈於列代益著萬方嚮化之麻敬薦馨香伏祈昭鑒
道光十六年遣官致祭

諭祭文曰惟帝王膺圖御宇握鏡臨宸澤被黃輿勳垂
青史美牆不遠仰皇煌帝諦之謨俎豆常存昭崇德
報功之典茲以

慈宮萬壽懋舉上儀敬晉

徽稱神人慶洽天經地義紹百王邇治之馨香日升月恆

樂河縣志

卷之十三 事紀續

十九

申德載無疆之頌祝彛章式叙祀事攸隆致緇潔以
明虔庶神靈之歆格

道光三十年遣官致祭

諭祭文曰功昭宇宙千秋之明德惟馨祀展陵園曠代
之隆儀備舉緬懷前烈敬奉精禋朕以藐躬繼登大
寶念天命民暑之可畏夙夜不遑思皇煌帝諦之同
符典型未遠肅將享祀特遣專官靈爽常存彌切景
行之慕馨香斯薦用申昭告之誠惟冀來歆福茲億
兆

咸豐二年遣官致祭

論祭文曰淵源遞衍前型昭方冊之貽統緒相承明德
肅必芬之祀緬英靈之如在稽彛典以宜遵朕寅紹
丕基遵崇先烈神功聖德翼戴者萬方帝緒王猷紹
心傳於百世茲以咸豐二年四月初二日恭逢

宣宗效天符運立中體正至文聖武智勇仁慈儉恭孝敏

成皇帝主配享

園丘禮成特遣專官虔申昭告瞻松楸之庇蔭往蹟殷懷
薦黍稷之馨香明禋懋舉尙其歆格鑒茲精誠

咸豐十年遣官致祭

論祭文曰膺圖撫運創垂之統緒常昭錫福誠民嬗易

樂河縣志

卷之十三 事紀續

十

而後先合揆惟帝王肇開鼎祚遞握乾符典章窺制
作之精聲教永漸摩之澤緬先民之矩矱方策如新
奉索禋之馨香羹牆可接茲以朕三句介祉九寓臚
歡敷惠閭於遐區企儀型於往哲薪傳遙溯益欽百
世之隆規薌合告虔庶返萬年之禔福載陳芬苾尙
冀歆依

同治元年遣官致祭

論祭文曰寶籙樹元奉三無以出治璇璣協瑞禱千聖

以同符惟帝王保泰垂模乘乾握紀在昔創制顯庸
早啟後人祖述之思於今偉烈豐功猶隆明德馨香

之報朕幼冲繼序兢疚承基惕艱大之遣投奉典謨
爲法守一二日事幾兢業方厘集蓼於當躬四千年
治法欽承尙冀傳薪於先哲爰稽彛典肅奉精禋道
契羹牆彌切憲章之念儀陳鼎俎用申昭告之誠惟
冀來歆福茲億兆

同治十二年遣官致祭

諭祭文曰寶籙樹元奉三無以出治璇璣協瑞禕千聖
以同符惟帝王保泰垂模乘乾握紀在昔創庸顯制
早啟後人祖述之思於今偉烈豐功猶隆明德馨香
之報朕藐躬嗣統庶政親裁惕艱大之遣投奉典謨

榮河縣志

卷之十三 事紀續

三

爲法守一二日事幾兢業方厘繼序於當躬億萬年
治法欽承尙冀傳薪於先哲爰稽彛典肅奉精禋道
欽羹牆彌切憲章之念儀陳鼎俎用申昭告之誠惟
冀來歆福茲億兆

光緒元年遣官致祭

諭祭文曰光昭宇宙千秋之明德維馨祀展陵園曠代
之隆儀備舉緬懷前烈敬奉精禋朕以藐躬繼登大
寶念天命民岳之可畏夙夜不遑思皇煌帝諦之同
符典型未遠肅將享祀特遣專官靈爽常存彌切景
行之慕馨香斯薦用申昭告之誠惟冀來歆福茲億兆

掌故

上古鉅靈氏出于汾睢驅陰反山川

路史引廣韻云鉅靈出于汾睢宋王存九域志鉅

靈祠在河中府

黃帝祀汾睢掃地而祭

孔甲在位四十九年後居西河

西河卽今榮河河津地唐時人有于其縣得斷劔曰

夏時物者

漢高帝功臣周昌初起以職志破秦入漢以內史堅守

敖倉以御史大夫定諸侯封于汾陰如淳曰職志官

榮河縣志

卷之十三 事紀續

三

名主旂旗

漢文帝十七年趙人新垣平言周鼎亡在泗水中今決

河通于泗臣望東北汾陰直有金寶氣意周鼎其出

乎兆見不迎則不至于是上使使治廟汾陰南臨河

欲祀出周鼎

武帝元封六年夏六月汾陰巫錦爲民祀汾陰后土營

旁見地如鈎狀剖視得鼎鼎大異于竅鼎文鏤無疑

恠之言吏告河東太守勝以聞天子使驗問巫得鼎

無奸詐乃以禮祠迎至甘泉從上行禱之至中山晏

温有黃雲焉有廡過上自射之因以祭云至長安公

卿皆議尊寶鼎是時馬生渥洼水乃作寶鼎天馬之歌

山西通志載班固東都賦寶鼎詩以爲卽汾陰鼎者不知固所賦寶鼎乃後漢永平初廬江太守所獻出于土雒山與汾陰異也

漢武帝幸河東作橫汾秋風辭傳樂府

武帝幸河東並以冬十月春三月而橫汾有秋風之曲豈嘗以秋月至史或未書而遺之

河東太守番係言穿渠引汾溉皮氏汾陰下引河溉汾陰蒲坂下度可得五千頃五千頃故盡河壩民芟牧

滎河縣志

卷之十三 事紀續

三

其中耳今溉田之度可得穀二百萬石以上穀從渭上與關中無異而砥柱之東可無復漕天子以爲然發卒數萬人作渠田數歲河移徙渠不利則田者不能償種久之河東渠田廢

宣帝神雀元年幸河東萬歲宮神魚舞河鳳鳥來集

三輔黃圖汾陰有萬歲宮孝武所作

成帝永始三年冬十月復汾陰祠

成帝初卽位用丞相匡衡議罷雍峙甘泉汾陰祀于長安立南北郊二年始祀后土于北郊三年大風壞甘泉宮折拔峙中樹木十圍以上百餘帝異之以

問劉向對曰家人尙不欲絕種祠況于國之神寶舊
時且其始立皆有神祇感應誠未易動上意恨之又
以久無繼嗣白太后令詔有司復甘泉泰時汾陰后
土如故綏和二年三月復罷汾陰祠祀南北郊哀帝
建平三年冬復泰時汾陰祠有司行事罷南北郊
成帝永始四年幸汾陰楊雄作河東賦以諷

附漢楊雄河東賦

伊年暮春將瘞后土禮靈祇謁汾陰於東郊因茲以
勒崇垂鴻發祥隕祉欽若神明者盛哉鏢不可載已
於是命羣臣齊法服整靈輿廼撫翠鳳之駕六先景

樂河縣志

卷之十三 事紀續

十四

之乘掉梓星之流旃覆天狼之威弧張耀日之元旄
揚左纛被雲梢奮電鞭驟雷駕鳴洪鐘建五旗羲和
司日顏倫奉輿風發飈拂神騰鬼趨千乘霆亂萬騎
屈矯嘻嘻旭旭天地稠敷簸邱跳巒湧渭躍涇泰神
下讐跣魂負沚河靈矍矍掌華蹈襄遂臻陰官穆穆
肅肅踣踣如也靈祇既鄉五位時叙細縷立黃將紹
厥后於是靈輿安步周流容與以覽虛介山嗟文公
而愍推兮勤大禹於龍門灑沈菑於谿瀆兮播九河
於東瀕登厯觀而遙望兮聊浮游以經營樂往昔之
遺風兮喜虞氏之所耕瞰帝唐之嵩高兮呱隆周之

大甯汨低徊而不能去兮行睨陔下與彭城滅南巢
之坎坷兮易幽岐之夷平乘翠龍而起河兮陟西岳
之嶢峭雲霏集而來迎兮澤滲滴而下降鬱蕭條其
幽藹兮滂汎沛以豐隆叱風伯於南北兮呵雨師於
西東參天地而獨立兮廓盪盪其亡雙遵迹虜歸來
以函夏之大漢兮彼曾何足與比功建乾坤之貞兆
兮將悉總以羣龍麗勾芒與驂葦收兮服元冥及祝
融敦眾神使式道兮奮六經以攄頌踰於穆之緝熙
兮過清廟之雖離軼五帝之遐迹兮躡三皇之高蹤
既發軔於平盈兮誰謂路遠而不能從

滎河縣志

卷之十三 事紀續

姜

唐開元十年治汾陰廟得寶鼎

唐玄宗祀汾陰刻銘勒石命張說爲之辭其序則上御

製也

朱長文碑帖考祀后土碑元宗御書八分久亡

宋眞宗祀汾陰作禮成詩河瀆西海贊翌日王旦上祀

后土頌眞宗復御製二聖配享碑刻石于廟

碑今存城中舊察院署東石高丈餘濶三丈餘光

澤堅厚重屋覆之俗稱碑銘又稱其處爲蕭牆

樂河縣志卷之十四

祥異

周威烈王十三年晉河岸崩壅龍門汾陰至底柱通志

漢武帝元狩二年汾旁有光如絳郊祀志

宣帝五鳳三年祀汾陰神光並見與于山谷燭耀齋宮

十餘刻甘露降神雀集本紀 宋史 文獻通考

靈帝建寧四年五月河東雨雹又地裂十二處汾陰地

裂長十里百七十步廣三十餘步深不可底通志

晉成帝咸和六年雹起西河介山大如鷄子平地三尺

誇下文餘行人禽獸死者萬數晉書

樂河縣志 卷之十四 祥異

唐高宗永徽五年六月暴雨漂溺人居舊唐書

明皇開元十二年十一月樂光見于河赤兔見于后土

祠唐五行志

又修后土祠壇掘地得銅鼎二色皆青稜古磚長九

寸有篆書千秋萬歲及長樂未央字文獻通考

武宗會昌四年龍見于汾陰舊唐志

宋開寶八年八月寶鼎縣禾合穗通志

真宗祥符二年縣民張知友田禾合穗凡隔四隴相去

三尺許判河中府陳堯叟以聞宋史

四年二月己未蜃泉有光如燭四五炬其聲若雷禮儀志

五年祠汾陰鸞輿過縣東北十五里見八龍垂像宛然
因建寺以祀又有榮光溢河故改縣爲榮河是年冬
太寧廟聖製碑閣生金芝二本祥應記

英宗治平元年旱水益入無對也未幾入益

金世宗大定三年秋蝗明年大旱金史

元泰定三年四年旱蝗相繼元史

明成化二十年大旱饑死者枕籍于途老少竄亡莫可

勝計人相食黃河溢水至城下漂沒禾稼十二月

宏治十八年旱疫黃河溢水至城下漂沒禾稼十二月

正德二年蝗

榮河縣志 卷之十四祥異

嘉靖八年九年饑

三十四年秋大水黃河溢水至城下漂沒禾稼十二月

十二日地大震聲如雷壞城垣及官民廬舍萬餘歷

死人甚多地裂泉湧平地水深三四尺綿綿震動不

息至次年正月方止時河寇乘亂劫掠

隆慶元年大祿詔免田租之半金史

四年秋黃河泛漲水溢入城漂沒禾稼人畜

萬歷七年隕石于西頭村形圓色黑 十四年及十五

年相繼大旱公私空匱民食草葉木甲僵屍相望生

者無復人色流移竄亡皆斃于他境 十六年夏大

孰饑民偶獲飽食死者復十之三四瘟疫死者又無算至不相弔問 十七年狼食人無數踰城傷人

二十年三月大雪三四尺二十一年七月初五日

大雷雨水雹城周圍十餘里一時禾稼殆盡雹大如鷄卵或取視之內有蝸殼草木之物自午至申大樹

摧折無數地爲之赤樹木花卉獨留枝幹宛然冬景是年秋禾失望冬桃李復華 二十五年井水沸池

水溢占者曰此之謂水淫主秋雨果驗 二十六年大水明年秋復然東鄉王顯庄一帶村庄皆被患

二十八年南鄉獲豹于葦中 二十九年七月黃河

榮河縣志

卷之十四

祥異

三

漲 三十四年河岸崩 四十一年大旱 四十三

年大旱蝗 四十六年蝗地震

崇禎四年虎入境爲民所獲 冬十二月馮村廣福寺

柏爲勢家所伐前夕枝上有光如斗大 七年荒

八年九年蝗蝻食禾尤甚 十二年大饑食草木皆

盡人相食死者十之六七僵屍滿野皆取而食之至

有父子夫婦相食者明年麥益貴斗粟值銀一兩六

錢六畜絕種次年麥熟民食之多病黃腫死 十五

年地震人多死麥熟至無刈者

上採明史並舊志

國朝順治六年十二月二十日夕有大風自北來凡木

物並見火光隨風焰起按之弗熱 九年大雨河水
泛溢汾自雙營西入于黃河人被衝去有至三門不
死者 十六年三月十五日蓋穀雨後三日也雨霜
連三日二麥俱枯因多雨復發芽至熟日每畝尚有
獲四五斗者 十七年冬大雪十餘日

康熙元年七月雨至九月初方止城中井溢平地泉湧
城垣廬舍塌毀甚多 四年東鄉有妖火凡易焚之
物無故煙起如縷少頃焰發 九年河清三日冬大
寒冰合車馬行其上如陸 十年夏大熱人有暈死
者 冬有虎入境人遇之弗顧惟嚙數犬而去

榮河縣志

卷之十四 祥異

四

十七年河水溢敗民田 二十八年大雨雹 四十
三年旱

雍正三年黃河清凡一月有奇 五年六年連稔

乾隆三年十一月二十四日地震 四年五月大雨月
餘沒灘田 九年麥大稔 十年秋禾大熟 十一

年二月大風黃河壞舡傷人 十三年歲大歉夏秋
俱無收 賑濟 十四年有年 十七年秋旱無收

賑濟 十八年大有年 二十一年秋大雨日餘

傷民居 二十四年秋大旱 二十五年麥稔 二

十七年秋大旱 二十八年大有年 二十九

有年 三十年麥稔 夏大旱無秋 七月十八日
地震震 三十一年大有年 秋狼入城殺犬豕
三十二年大有年 三十六年秋大穫 三十七年
春旱 三十八年大有年 四十年大有年 四十
三年大有年 四十六年春旱秋大穫 四十八年
九月十三日河水漲溢抵東西兩崖者三晝夜入城
漂沒民居縣署幾爲澤國 四十九年歲歉 五十
二年秋旱 五十五年春旱 五十六年大有年
五十八年大有年 五十九年歲歉 六十年大有
年

榮河縣志

卷之十四

祥異續

五

嘉慶元年春旱 四年秋旱 五年春旱秋大穫 六
年夏旱 九年大旱饑賑濟 十年無麥賑濟秋大
穫 十三年大有年麥穗雙歧 十五年秋旱 十
八年春旱 二十年九月十九日地震聲如雷 二
十四年秋旱 二十五年大有年

道光二年大有年 四年春旱 六年春旱 七年大

有年 八年大有年 九年春旱 十一年大有年

十二年麥大熟 十四年大有年 十五年春旱

麥成災 十六年春旱麥成災 十八年大有年

十九年春旱六月朔後亢陽大地如爐村人渴死者

無數至六日得雨乃止 二十三年飛蝗入境不爲
災 二十五年冬河凍狼三五成羣自陝西渡河而
東河東自此多狼災 二十六年四月初一日晚有
星自南隕北光如電旬旬有聲秋無禾麥未樹大饑
賑濟 二十七年無麥秋大穫上忙錢糧未徵下忙
益徵 二十八年大有年

咸豐二年秋旱 三年正月二十二日天赤如火八月
慧星見捻匪寇曲沃欲渡汾人聞風逃避者幾遍一
邑 四年飛蝗入境不爲災 五年旱 六年旱秋
蝗蝻遍野食麥苗有種二三次者 七年歲歉 八

榮河縣志

卷之十四 祥異續

六

年歲歉慧星見 九年歲歉 十年歲歉 十一年
慧星見八月朔日月合璧五星聯珠南鄉屈村獲豹
於井坑

同治元年七月初三日雨去立秋僅十日禾收三分十
五日星隕如雨向西南後數日陝西徇匪亂十月初
七日夜半地震十一月初六日午後地震夜半又震
二年二月初八日隕霜麥葉盡枯越三日雨芽復
生不爲災 三年麥大熟 四年麥大熟 六年十
一月二十五日捻匪由鄉甯竄至河津將抵榮界人
心震動欲奔逃時北鄉薛稽鎮龍岳寺前數日

雜運叢棲於楊柳梢頭歷日不爽誠者曰烏知所止
此休徵也何避焉賊果未至 七年南鄉藥高村牛
生犢兩頭自後牛病疫遍四境累年弗絕 八年早
九年春旱夏河決后土祠傍嚙坵幾盡舟人見崖
半有物嵌土中繩而下獲鐘磬鼎盃無數古色斑爛
皆唐宋以前物也 十一年三月隕霜殺麥不爲災
秋蝗 十二年四月二十五日小滿二十八日雨種
棉花大穫

光緒元年麥大熟 二年秋旱十月間妖人割髮辮不
爲災 三年麥歉收室內鼠絕夏秋旱麥未樹大饑

樂河縣志

卷之十四

祥異類

七

屠牛馬種幾絕人相食明年春草木綠葉者撿拾殆
盡餓殍遍野斗粟重四十八斤市銀七兩零柿葉豆
其蒲根榆皮等麵每斤錢四五文村莊戶口餓斃
者十之六七夏大疫秋稍穫有鼠災 五年五月十
二日辰時地震鼠千百成羣穴處食苗一夜盡數畝
室內幾無完器狼食人無筭 六年麥大熟

元鼎元年汾陰得寶鼎卽吾邱壽王所識之鼎高一丈
二尺受十二石雜金銀銅錫爲之四面蛟龍兩耳能
鳴三足馬蹄刻山雲奇怪之象紀雲圖未然之狀其
文曰壽考天地自行臻侍山伏其靈海伏其異此銘
在底又別有銘或浮或沉皆古文複篆上古之鑄造
也總有九枚 虞荔鼎錄

汾陰侯生天下奇士也王度常以禮師之生將終出古
鏡贈度曰持此則百邪遠人度受而寶之鏡橫徑八

寸鼻作麒麟蹲伏之象遶鼻列四方龜龍鳳虎依方

榮河縣志

卷之十四 禮俗

八

陳布四方外又設八卦卦外置十二辰位而俱畜馬
辰畜之外又置二十四字周遶輪郭文体似隸点書
無缺而非字書所有生云是二十四氣之象承日照
之則背上文畫盡入影內纖毫無失舉而扣之清音
徐引竟曰方絕侯生常云昔者吾聞軒轅鑄十五鏡
其第一鏡橫徑一尺五寸法滿月之數以其相差各
校一寸此第八鏡也隋大業九年度以御史出爲芮
城令令廳前有一棗樹圍可數丈不知幾百年矣前
後令至謁祀此樹不則殃禍立至度曰妖由人興淫
祀宜絕吏皆叩頭固請度不得已爲之一祀然陰金

此樹當爲精魅所托乃密懸古鏡于樹其夜二更聞
廳前磊落有聲若雷霆者起視則風雨晦冥電光晃
耀忽上忽下至明有大蛇紫鱗赤尾綠頭白角身被
數創死于樹下度命出蛇焚于縣門仍掘去樹樹心
有一穴入地漸大有巨蛇蟠泊之跡妖遂絕時蒲陝
間疫甚度使小吏張龍駒持鏡照之諸病者皆愈後
一夕龍駒夢一人朱衣紫服曰我鏡精也名曰紫珍
是夜忽失鏡所在

古鏡記

薛道衡聘陳爲人日詩云八春纔七日離家已二年南
人嗤之曰是底言誰謂此老解作詩及云人歸落雁

榮河縣志

卷之十四

雜錄

九

後思發在花前乃喜曰名下固無虛土

隋唐嘉話

煬帝善屬文不欲人出其右薛道衡因事誅曰更能作
空梁落燕泥否

同上

薛道衡空梁落燕泥之句詩名昔昔鹽樂苑以爲羽調
曲元怪錄此蘧蔭三娘唱阿鵲鹽曲又有突厥鹽皇
帝鹽白鶴鹽神鵲鹽疎勒鹽滿座鹽歸國鹽唐詩媚
賴吳娘唱是鹽更奏新聲刮骨鹽謂之鹽者吟行典
引之類樂府解題謂之枝鼓曲也

植杖閒談

薛稷真行書如風驚落花雪惹山柏

續書品優劣

梓川通泉縣壽聖寺聚古堂有薛稷所書慧普寺字

徑三尺尤善畫鶴屏方六扇畫樣自稷始

蜀志

唐薛稷善書繼褚河南時人語曰買褚得薛不落節

書品

薛少保稷在天后時名冠當時而好圖畫畫尤工絕秘

書省有少保畫鶴妙畫一世杜子美嘗有詩曰薛公

十一鶴皆寫青田真其見重名輩如此

名畫記

唐中書薛元超謂所親曰五不才富過分然生平有三

恨始不以進士擢第娶五姓女不得修國史

隋唐嘉話

唐李嶠作汾陰行其末曰富貴榮華能幾時山川滿目

淚沾衣不見只今汾水上惟有年年秋雁飛傳在樂

府明皇將幸蜀登花萼樓召善水調者歌此四句未

榮河縣志

卷之十四 識餘

十一

及終上凄然泣下曰李嶠真才子也不終聽而去

詩話

馬燧討李懷光自太原引兵至寶鼎下營問其地名埋

懷村乃大喜曰擒賊必矣

國史補

汾陰薛氏自北魏周隋至唐人物尤盛與河東柳氏匹

宰相世系表其先出漢御史大夫廣德子饒淮陽太

守子愿長沙太守自愿至漢末兗州別駕蘭代有名

位蘭子永字茂長從漢昭烈入蜀為蜀郡太守永子

齊為巴蜀二郡守蜀亡率五千戶降魏拜光祿大夫

徙河東汾陰世號蜀薛子懿字元伯北地太守鄠陵

侯三子恢雕興恢河東太守號北祖雕號南祖興號

西祖薛氏在唐世爲宰相者三人

唐薛元敬與薛收及族兄德音齊名世稱河東三鳳收爲長雛德音爲鸞鷲元敬最爲鷓鴣

大中祥符祀汾陰祥瑞贊五卷丁謂撰

大中祥符祀汾陰記五十卷丁謂等撰

郊邱有二一在陳留卽齊桓公會諸侯處一在河東漢

祀汾陰處宋史眞宗祀汾陰登郊邱亭以望河汾是

也前後二漢地理志汾陰下但云介山而無郊邱當

是一時所遺

戒菴考古

洪武初蔡瑄爲通政使乞還卒于路太祖惜之遣使祭

榮河縣志

卷之十四

職官

十一

瑄其使者一爲太學生一乃道士也開國初時用人

差遣簡質如此後則無非京官矣

林中碎錄

附錄明太祖諭祭通政司使蔡瑄文

大明洪武二十年丁卯八月遣國子監監生郅彬周

敏以牲醴奠祭云爾其俯伏諦聽帝有諭焉曰

嗚呼爾瑄命止斯耶自昔君臣之相遇非獨臣之得

君不易而君之得臣者爲尤難朕有天下二十年于

茲歷求多士以顯用之柰所用者人各務私而不務

公以致亂政壞法者前後相踵維爾瑄起自儒生朕

授以喉舌之任命令之布而納以公少有乖謬者隨

以奏聞使百司肅然毋致妄爲爾瑄能之而一時同
任者亦皆卓然自立朕甚嘉焉然卿以青年之姿方
將任以大政不意今歲嬰疾纏綿弗廖朕念爾勞于
政務特命還鄉養疾使心安而易痊何其登途未遠
卽以訃聞嗚呼臣患不能得君今朕知爾矣柰何爾
之命有限耶然爾瑄雖逝矣綱紀已成名垂不朽又
何憾哉今特遣使以牲醴奠爾并錫寶鈔二百五十
貫仍免爾家差稅三年爾其不昧承朕至意

此文想出御製必非詞臣所撰瑄以一儒生旣膺
不次之擢于生前復獲非常之榮于身後君臣知
遇至于如此且遣祭一臣其言足以感動百寮開
國之主愛賢惜才于此亦見一斑故錄之

國朝雍正十三年邑令李維榛議修后土祠方苦無費
因修築祠傍墩臺掘地獲元寶三錠其形兩端圓凸
而兩旁圓凹底面皆平計重一百五十七兩六錢上
有三使司字衆以爲神因歡然樂輸得以竣工

乾隆三十二年斗級某其妻爲妖所據每寢熟卽至夢
中見其白面紅褲而身甚冷雖其夫共寢不避也經
數月其夫以告幕友王君王君素携有設色鍾馗像

甚威神因令懸之臥室自是遂絕跡

後魏酈道元水經注河水又南過汾陰縣西

河水東際汾陰縣故城在隄側漢高帝六年封周昌爲侯國魏土地記曰河東郡北八十里有汾陰城北去汾水三里城西北隅曰隄丘上有后土祠封禪書曰元鼎四年始立后土祠於汾陰隄丘是也又有萬歲宮漢宣帝神爵元年幸萬歲宮東濟大河而神魚舞水矣昔趙簡子沈欒激於此曰吾好聲色而是子致之吾好士六年不進一人是長過而黜吾善君子以爲能譴矣

河水又南漢水入焉水出汾陰縣南四十里西去河

梁河縣志

卷之十四 識餘

三

三里平地開源潰泉上湧大幾如輪深則不測俗呼之爲漢魁古人壅其流以爲陂水種稻東西二百步南北一百餘步與郃陽漢水夾河中渚上又有一漢水皆相潛通故呂忱曰爾雅異出同流爲漢水其水西南流歷朔坂西西流注于河

後魏酈道元水經注汾水又西至汾陰縣北西注于河

水南有長阜背汾帶河阜長四五里廣二里餘高十丈汾水歷其陰西入河漢書謂之汾陰隄應劭曰隄丘類也汾陰男子公孫祥望氣寶物之精上見祥言

之於武帝武帝於水獲寶鼎焉遷於甘泉宮改其年

曰元鼎卽此處

殷湯陵在汾陰縣北四十三里後魏太和中有縣人張

恩破陵求貨其陵下先有石弩以銅爲鑲盜開堽門

矢發中三人皆斃恩更爲他計卒取得墓中物其物

多是鐘磬及諸樂器再得其銘恩恐人知投之汾水

後事泄爲主司所理乃於水次得其銘銘曰吾死後

二千年終困於恩由是執事不復深其罪元時淪於

汾河以石柩遷於陵傍今其地爲百祥村名勝志

金石畧云唐汾陰后土祠銘胡愔撰并八分書開元四

年八月立

滎河縣志

卷之十四

識餘

酉

爾雅大出尾下曰漢郭註今河東汾陰縣有水口如車

輪沸湧其深無限與河合也昔趙簡子沈欒激于是

河名勝志

滎河大覺寺僧寂瑗生平與鼠鵲同食嘗募金救人父

子離散後端坐而化人皆異之平陽志

齊子中姜鏞

王 五 馬 劍 吉 一 勇

符 平 山 天 止 子 心 中

止 子 止 子 中 美 頤

鍾鼎鞞戾之元命
 在綏德其民用古
 聖美于皇祖又成
 衆皇初又所忠篤
 于衆中皇民用鞞
 鞞民於德夙其美
 加于命操生懿美
 功
 德夙其美
 於衆中皇民用鞞
 鞞民於德夙其美
 加于命操生懿美
 功

榮河縣志

卷之十四 識餘續

五

人 功 天 人 事 人 業 人 心 人 德 人 行 人 言 人 心 人 德 人 行 人 言 人 心 人 德 人 行 人 言

中姜罇釋文

惟王五月初吉丁亥齊罇吳釋鞏罇之孫適仲之子

張云卽下綸字作器者名字仲姜寶罇用斬侯氏永命萬年綸

保其身用享用孝于皇祖聖對皇祉聖姜于皇祖有成

惠對皇祉有成惠姜皇考適仲皇母用斬壽老母死保

廬張釋虞周兄弟用矣吳云表考命彌生性肅二義政

榮河縣志 卷之十四 識餘 六

保廬子姓墾對有成勞吳釋柳于齊邦侯氏錫之邑二百

又九十又九邑與張云邱之民人都鄙侯氏從造告

之曰葉王釋萬室吳云邁至王同死尸辟治孫子勿或

俞張云渝改墾子綸曰余彌心畏忌余四事是台治

余爲大攻吳云暨大事大徒大僕是辟可更使子孫永

保用享

文自左銑起連鼓左兩行讀下四行再起至鉦閒四

行下接鼓右前四行起向右銑下連鼓右兩行讀竟

國朝同治庚午邑后土祠河岸圮彝器彙出尋鑿泰聞之馳而往獲古鐘十餘枚其一有銘權之重百二十

筋銘百七十二字兩鼓字畫纖弱搨文漫漶過半就
器諦視畧可辨識同時吳清卿王孝達周孟伯王正
儒楊秋湄樊文卿並有釋文器爲宋宣和迄今鐘鼎
以來第二鏞吳縣潘伯寅侍郎方搜輯吉金著錄採
諸說至爲詳備且愛莫能釋鑾泰因昇以昇曰君能
傳古此器爲不孤矣與爲一家秘孰若使海內共珍
之哉

榮河縣志

卷之十四 識餘

七

此器之鑄也... 宋宣和... 鐘鼎... 筋銘... 百七十二字... 兩鼓... 字畫纖弱... 搨文漫漶... 過半就... 器諦視畧可辨識... 同時吳清卿王孝達周孟伯王正儒楊秋湄樊文卿並有釋文器爲宋宣和迄今鐘鼎以來第二鏞吳縣潘伯寅侍郎方搜輯吉金著錄採諸說至爲詳備且愛莫能釋鑾泰因昇以昇曰君能傳古此器爲不孤矣與爲一家秘孰若使海內共珍之哉

